

ՍԻԼԿԱ ԱԼԼԱՅԿԵՐԴՅԱՆ

ՄԱՐԴՈՒ ԵՐԿՎՈՒԹՅԱՆ ԹԵՄԱՅԻ ԴՐԱԵԿՈՐՈՒՄՆԵՐԸ
ՆԱՐԵԿԱՑՈՒ ԵՎ ՌՈՒՄԻԻ ՊՈԵԶԻԱՅՈՒՄ

*«Բայց ասում են ձեզ, հոգո՛վ ընթացեք և մարմնի
ցանկությունը մի կատարեք, քանի որ մարմինը հոգու հակառակն է
ցանկանում, իսկ Հոգին մարմնի:» (Մատվածաշունչ)*

Ինքնաճանաչման ձգտումն ու ջանքերը միստիկի հոգում ծնուն են նոր
զգացումներ ու նրա առջև դնում ընտրություն կատարելու բարդ խնդիրներ:
Օրինակ մարդու լուրջան մեջ երկվության կամ «ամբիվալենտության» երևույթը
առկա է հոգու և մարմնի միջև, ինչպես նաև անբաժանելի զգացումների դրա-
կանի ու բացասականի: Միևնույն առարկայի, անձի կամ երևույթի նկատմամբ
առկա դրականն ու բացասականը արտահայտվում են տարբեր անտիթեզերի
ծնավորմամբ: Մարդու լուրջանը չի հակասում այն, որ նույն պահին կարող է
տիրել և լիարժեք դրականը և լիարժեք բացասականը, որոնք կողք-կողքի
անբաժան են, վերաճում են մեկը մյուսին: Ֆ. Նիցշեի բառերով ասած. «Այնքա՛ն
սառը, այնքա՛ն սառցե, որ նրա վրա մատներդ կայրես: Ամեն մի ձեռք ցնցվու՛մ
է, երբ հպվում է նրան: -Եվ դրա համար էլ ոճանք նրան շիկացած են համա-
րում»¹: Տվյալ խնդրի վերաբերյալ դժվար չէ գտնել նմանօրինակ մեկնաբանու-
թյուններ արված այս կամ այն փիլիսոփայի կողմից: Իմամ Մուհամադ Ղազա-
լին, պարսիկ անվանի փիլիսոփան ուսումնասիրելով մարդկային երկակի լու-
թյունը, գալիս է այն եզրահանգման, որ մարդկային լուրջան մեջ առկա երկվու-
թյան, կամ այլ կերպ ասած չարի ու բարու արմատները բխում են նրա մեջ
հավասար ու համագոր գործող հրեշտակային ու սատանայական սկզբերից,
որոնք, ինչպես արդեն նշեցինք անհրաժեշտ է ճանաչել ու ինքնաճանաչման
միջոցով հնարավորինս տիրապետել հակադիր զգացումներին²:

Մեր կողմից ուսումնասիրվող երկու միստիկ բանաստեղծներին ևս
հատուկ է մարդու երկբևեռվածության կամ ամբիվալենտության խնդիրը՝ բոլոր

¹Ֆրիդրիխ Նիցշեյ, Բարուց և չարից անդին Չաստվածների մթնշաղ. Գալոբ Մովսեսի
թարգմանությամբ, Երևան, 1992, էջ 62:

²Տե՛ս. 1371, «ابو جعفر احمد بن محمد غزالی طوسي، تكملة، كتاب، «مبادئ»، جلد اول، تهران، 1371»
(Իմամ Մուհամադ Ղազալի, Զիմիա-յե-սաադաթ, հ. Ա. Թեհրան, 1371, էջ 22:)

մակարդակներում, սկսած՝ մարմնի և հոգու փոխհարաբերությունից մինչև մարդկային ամենասովորական կողմերի դրսևորումը: Մարդ արարծն իր էությանը բաղկացած է և՛ մարմնից և՛ հոգուց, և որ հողեղեն, աշխարհիկ մարդու մարմնում առկա են այնպիսի հույզեր ու կրքեր, որոնք ամեն պահ կարող են նրան մղել դեպի մեղսագործության ոլորտ և ապականել նրա հոգին: Այս խնդիրը միշտ էլ մարդկային միտքը զբաղեցնող թեմա է եղել, քանի որ մարդն անկատար էակ է, և նրա հոգին բնակվելով մեղսավոր մարմնի մեջ թաթախված է բազմաթիվ մեղքերի մեջ, և ապականված է երկրային կյանքի արատներով ու մարմնական ցանկություններով: Մարդ արարածն ըստ էության, կարծես թե ծնված է միայն մեղանչելու համար, քանի որ Նարեկացու բառերով ասած. նրա «սիրտս նանրախորհուրդ, բերանս չարախաւս, ականս յայրատատես, ականջս վրիպալուր, ձեռնս մահաժիգ, երկամուկս անփորձ, ոտնս մոլորաշափիղ, ընթացքս աներկիւղ, խորհուրդ ծորեալ, կամք անկայուն, չար անփոփոխ, բարեմասնութիւն սասանեալ»³: Իսկ Ռումին ասես շարունակելով Նարեկացու միտքը հաստատում է.

گاه ماهی باشد او و گاه، شست
نیم او حرمی آوری، نیمش صبر
نیمه دیگر سبید همچون ماه
هر که این نیمه بیند رد کند⁴

کترین یک شخص هر دو فعل هست
نیم او مومن بود، نیمش گسار
همچو گری، نیمه چیش سیاه
هر که این نیمه بیند، رد کند

Քանի որ մի անձի մեջ երկու սկիզբն էլ կա,
[Նա] մերթ ծուկ է դառնում, մերթ հողային:
Նրա կեսը հավատացյալ է, կեսը հեթանոս
Կեսը՝ ազահություն, կեսը՝ համբերություն:
Կովի նման, ծախ կողմն ամբողջությամբ սև է,
Իսկ մյուս կողմը լուսնի նման սպիտակ:
Ով այս կողմը տեսնի, կվանի [այս],
Ով մյուս կողմը տեսնի, կվանի [այն]:

Դժվար չէ նկատել, որ յուրաքանչյուր տողում առկա են սևն ու սպիտակը, չարն ու բարին, օրինականն ու անօրինականը. մեկը մյուսից անբաժան մաքուր հոգին ու անմաքուր մարմինը, որոնք անընդմեջ հակասում ու մերժում են իրար: Նարեկացու «Մատյանում» ակնհայտ հոգեբանական և գեղարվեստական հնարքներից են առատորեն սփռված երկվության բացահայտ դրսևորումներն ու արտափայտությունները: Այսպես ահա.

³ Գրիգոր Նարեկացի, Մատյան ողբերգության, Աշխատասիրությամբ Պ. Խաչատրյանի և Ա. Ղազինյանի, Երևան, 1983, Բան ԾԶ-Ա:

⁴ Ջալալ Էդդին Մուհամադ Բալխի Ռումի, Մասնավի Մանավի, Թեհրան, 1990, երկրորդ գիրք, 604-608:

Ըմպանակք երկու յերկոսին ձեռին,
 Մինն արեամբ, և միւսն՝ կաթամբ,
 Երկու բուրանոցք կայծակնաւորք,
 Մինն խնկով, և միւսն՝ ճենճերիւ,
 Սկաւառակք կրկին կրաւորականք համոց,
 Մինն քաղցու, և միւսն՝ դառնութեամբ,
 Բաժակք գոյգ առ երկու բերմունս,
 Մինն՝ արտաւսր, և միւսն՝ ծծումբ,
 Տաշտք կրեցեալք ի ծայրս մատանց,
 Մինն՝ գինի, և միւսն՝ լեղի,
 Դրունք տեսանելեաց ներհակաց,
 Մինն՝ ի լաց, և միւսն՝ ի վրիպումն,
 Խանութք հալոցականաց հակառակութանց,
 Մինն՝ արծաթօժ, և միւսն՝ շիջուցանէ՛:

Ուշագրաւ է նաև այն փաստը, որ հակամետոքայան այս օրինակը, մինչ Նարեկացին, իր յուրովի դրսևորումն է գտել դեռևս Ագաթանգեղոսի «Պատմութեան» մեջ. «Արդ ահա զոր կամիք ըմպել՝ պատրաստ է երկոքումք ստուգութիւն ձեզ մատուցանել: Արբէ՛ք զիմաստութիւն և մի՛՝ զանմտութիւն, զողորմութիւն և մի՛՝ զբարկութիւն, զհաւատսն քաղցրութեան, և մի՛՝ զերկնտութիւն անհաւատութեան զայրիչ հրոյն չարութեան, որ տոչորէ ի գեհեմի և ի խաւար տանի. այլ զհուր բաժականց, որ լուսաւորեսցէ զձեզ յըմպելն ձերում զնա, և այրեսցէ զժանգ մեղաց տգիտութեան ձերոյ, և պահեսցէ զանծինս ձեր յուսով հաւատոց ձերոց: Առաքեալքն երանելիք արքին և արքեցան, և ուրախ եղեն. և արբուցին տիեզերաց երկու բաժակօք՝ որք կամեցան ըմպել զինչ կամեցանն: Արբոյց և ձեզ աւաղիկ յիմարութիւն տգիտութեան, և խառնեաց աւաղիկ ձեզ դեղ բաժակ մահու. առէք արբէք արդ հաւատքովք զբաժակն բժշկութեան կենաց անձանց ձերոց, զի փրկութեամբ ապրեսցիք յայրմանէն՝ որ գալոցն է»:⁶

Եվ Նարեկացու և Ռումիի պոեզիայում հակասությունները հաճախ հաստատվում են «երկու» լեքսեմով, երկու թիվը հենց սկզբից նախապատրաստում է իրարամերժության «տարափը» հոգեբանորեն ընկալելու և այդ անտիթեզը գիտակցելու: Այսպես, ահա՝

ایم او ز آفرینش و نیش خر⁷

این سوم هست آدمیزاد و بشر

Այս երրորդը, մարդն է, ադամորդին

Ռոի մի կեսը հրեշտակներից, իսկ մյուսը՝ ավանակից է [սերուն]՝

⁶ Գ. Նարեկացի, նշվ. աշխ., Բան L-Գ:

⁷ Ագաթանգեղոս, Պատմություն հայոց, Երևան, 1983, էջ 282:

⁸ Զ. Ռումի, նշվ. աշխ., չորրորդ գիրք, 1502:

Կամ

مَدَّ يَدَهُ قَسَمَ دُكْرَ اَنْدَرِ جِهَاد
کرده چالیش اخروش با اولش⁸

نیم، خنوا، نیم حسی بارشاد
روز و شب در جنگ و اندر کشمکش

Մի կեսն անվերջ ջիհադի (պայքարի) մեջ է,

Նրա մի կեսը անասուն է, մյուս կեսը ճշմարիտ {աստվածային, Ա.Ա}

ուղու ճամփորդ:

Օր ու գիշեր կռվի ու քաշքշուկի մեջ են

Սկիզբն ու վերջը՝ անվերջ մարտահրավերների:

Այս անտիթեզերը առկա են նաև Օմար Խայյամին վերագրվող հետևյալ տողերում, որտեղ նույնպես ընդգծվում է մարդու մեջ երկվության գաղափարի գոյությունը՝ իրարամերժության, հակադրությունների սկզբունքը:

که مرد حلالیم و گهی مرد حرام
نه کفر مطلق و نه مصلمان تمام

یک دمست به مصحفیم و یک دمست به جام
سایم در این گشت قیروز

Մի ծեռքին գինի, մյուսում՝ Ղուրան

Մերթ հարամ ենք մենք, մերթ հալալ միայն,

Այսպես, փիրուզի այս երկնքի տակ,

Ոչ թունդ գյավուր ենք, ո՛չ զուտ մուսուլման⁹:

Երկբևեռության երևույթը, հակասականությունը ընդհանրապես, հատուկ է միջնադարյան մտածողին և զարմանալի չէ, որ Խայյամը նույնպես կանգնած է ընտրության դիլեմայի առջև: Այս խնդիրն առհասարակ, անկախ ժամանակից բնորոշ է մարդկային մտածողությանը: Նման հոգեբանական իրավիճակ դժվար չէ գտնել նաև ուշ շրջանի հայ բանաստեղծների մոտ:

Սայաթ-Նովա

Վուրտիդ *հարսնիք*, վուրտիղըն *սուր*, վուրտիդ սոյթաթ խաղ է ըլում:

Վուրտիդ ժամ, վուրտիդ պատարաք, վուրտիդ սիրով տաղ է ըլում:

Թեվուր *հոքուտ* կամքն իս անում, *մարմինտ* բեղամաղ է ըլում:

Վո՛ւր մե դարդին կու դիմանաս, դուն ջըրա՛տար Սա՛յաթ-Նովա:¹⁰

4. Երզնկացի Հոգիս է խիստ յօժար

բանից իմասնոց լըսել,

Մարմինս է հեշտասեր,

զի յաշխարհէս է ինք ծընել,

Ի յերկուքիս միջին

մոմ եմ՝ ի մէջ հըրոյն վառել,

Անհիմն ու անհաստատ

⁸ Ձ. Ռումի, նշվ. աշխ., չորրորդ գիրք, 1531-1532:

⁹ Օմար Խայյամ, Քառյակներ Գ, Էմին թարգմ., Երևան, 1993, էջ 39:

¹⁰ Սայաթ-Նովա, Խաղեր, Երևան, 1987, էջ 55:

են անհանգիստ ի շուրջ եկել:¹¹

Մարմնի և հոգու հարատև «մենամարտ»։ Ուր հոգին բարձր ու վեհ աստվածային ոլորտում է, իսկ մարմինը՝ երկրային կյանքի ու մարմնական ցանկությունների։ Այս անհաղթահարելի, հակասական իրավիճակում, ալեկոծվում է մարդու ներաշխարհը, խաթարվում է նրա հոգու անդորրը։ Նարեկացու բառերով ասած. մարդ արարածը բնության մեջ կրում է «անթիվ-անհամար բծեր չարության», որոնք մարմնային օրենքներով հենց բողբոջում են միշտ, աճում, նորոգվում ամենատեսակ փշեր ընծյուղող մեր այս բնության անդաստանի մեջ. համաձայն անսուտ քո վկայության. թե՛ «Մարդու միտքը մանկությունից հակամետ է միշտ չարիք գործելու»:¹² Նույն զգացումներն ունի նաև Ռումին, երբ ասում է.

حق زمین و آسمان بر ساخته است
آسمان را ممکن افلاکین
مشتري هر مکان پیدا بود¹³

در میان بس نار و دور افراخته است
این زمین را از برای خاکین
مرد مغلی، دشمن بالا بود

Բարձրյալն արարել է երկիրն ու երկինքը,
Եվ դրանց [միջև] բավականաչափ լույս և կրակ դրել:
Երկիրն արարել է հողածինների՝
Երկինքը՝ հրեշտակների համար:
Ստոր մարդը վերին երկնավորների թշնամին է,
Ամեն տեղի համար ակնկալողները [պարզ] երևում են:

Այս, և նման տողերը ակնարկում են հողածին մարդու երկու հիմնական անառարկելի և՛ քայքայվող ու ոչնչացող, և՛ փրկության արժանացող կողմերի առկայությանը: Նրանք մի անգամ ևս գալիս են ապացուցելու այն փաստը, որ լուսավոր ու մաքրագործված կողմի առկայության դեպքում, մարդ անկասկած կարող է մերժենալ Աստծու լույսին ու նրա երկնային շնչին:

Յորս է տեսանել ի մեջ արջնատես ագռաուց՝ սպիտականիչ
երամս աղաւնեաց,
Ի մեջ խրոխտականաց ծիող անմաքրից՝ որոջս հանդարտաբարս,
Ի թիւս շանց գազանականաց գառինս նուիրելիս,
Հեգութին ի խտութեան, կատարելութին ի թերութեան,
Խոնարհութին՝ յամբարհաւածութեան, ճշարտութին ի ստութեան:¹⁴

¹¹ Կ. Երզնկացի, Տաղեր, Երևան, 1962, էջ 61-62:

¹² Գր. Նարեկացի, նշվ. աշխ., Բան ԺԵ-դ:

¹³ Ջ. Ռումի, նշվ. աշխ., առաջին գիրք, 2387-2389:

¹⁴ Գր. Նարեկացի, նշվ. աշխ., Բան ԼԱ-գ:

Ինչպես տեսնում ենք, այս հիմք տողերի մեջ խտացված են հակաթեզեր կենդանական աշխարհն արտացոլող սեմանտիկական դաշտում, որոնք գերազանցապես դրսևորում են օբյեկտ-հատկանիշ բինոմը (ագռավ-աղավնի, արջնաթույր-ճերմակ, անմաքուր-հանդարտաբարո, շներ-գառներ, զազանաման-նվիրյալ)։ Այլ կերպ ասած, բնության երկվության իրողությունը փաստ է, որը ձևավորում է Նարեկացու աշխարհընկալման մոդելը, որի դեմ երբեմն, մույնիսկ ըմբոստանում է հեղինակը, ստեղծելով դրամատիկական տրամադրություններ։ Ըստ Նարեկացու, դժվար չէ գտնել երկու հակադիր ու իրարամերձ ուժերը կործանողն ու փրկողը՝ «միամտութիւն ի մանկութեան, անբօութիւն յայլամտութեան, բարարութիւն ի չարութեան, պարկեշտութիւն ի լկտութեան, ողորմութիւն՝ յանգթութեան, ապաշաւանք յանյութեան, քաղցրութիւն՝ ի բարկութեան, հաշտութիւն ի թշնամութեան, անոխութիւն՝ ի խածանողութեան, քաջաւերողութիւն ի լլկութեան, արհմութիւն ի նետածոցութեան»¹⁵։

Ինչպես նկատեցինք, և՛ Ռումին և՛ Նարեկացին տեսնում են մարդուն իր աշխարհիկ ցանկությունների և կատարելագործման ջանքերի «ներհակոթյան» մեջ։ Այդ երկու զգացումների մեջ էլ ձևավորվում են Նարեկացու և Ռումիի պոեզիայում «մարդու» կերպարը։

¹⁵ Նույն տեղում, Բան ԼԱ-գ։